

ZAKLJUČCI

sa VI sjednice petog saziva Odbora za Rome pri Vijeću ministara Bosne i Hercegovine,
održane u Sarajevu, dana 22. maja 2024. godine, sa početkom u 11:00 časova

Ad 1. - Usvajanje dnevnog reda:

Zaključak:

- Predloženi dnevni red usvaja se jednoglasno.

Ad 2. - Oставка Aleksandra Mašića s mjesta predsjedavajućeg Odbora za Rome pri Vijeću ministara BiH

Zaključak:

- Na temelju provedenog glasanja za izbor predsjedavajućeg Odbora za Rome pri Vijeću ministara BiH, Nedžad Jusić izabran je većinom glasova kao novi predsjedavajući. S obzirom na dobivenu podršku, Nedžad Jusić preuzet će dužnost predsjedavajućeg i nastaviti će sjednicu prema predloženom dnevnom redu.

Ad 3. - Usvajanje zapisnika sa V sjednice Odbora za Rome pri Vijeću ministara BiH

Zaključak:


- Zapisnik sa V sjednice Odbora za Rome pri Vijeću ministara BiH usvaja se s jednom izmjenom, uz jedan glas protiv (Zorica Garača) i jedan suzdržan glas (Daria Duilović). Izmjena se odnosi na točku 6. dnevnog reda i glasi: "Imenuje se Koordinacioni odbor za pripremu obilježavanja Međunarodnog dana Roma za 2023. godinu u sastavu Dervo Sejdić, Indira Bajramović i Snježana Mirković, koji će uz tehničku podršku Ministarstva za ljudska prava i izbjeglice BiH do 5. marta 2024. godine pripremiti Program obilježavanja Međunarodnog dana Roma za 2024. godinu. Program će sadržavati prijedlog financijske konstrukcije i listu potencijalnih sudionika na ovom obilježavanju, a bit će dostavljen na usuglašavanje članovima Odbora za Rome u roku od 3 dana, do 28. marta 2024. godine.

Ad 4 - Izvještaj Koordinacionog odbora za pripremu obilježavanja Međunarodnog dana Roma, imenovanog na V sjednici Odbora za Rome, o aktivnostima povodom pripreme - obilježavanja Međunarodnog dana Roma

Zaključak:

- Po ovoj tački dnevnog reda nije donesen zaključak

Ad 5. - Informacija o utrošenim financijskim sredstvima za romsku problematiku u 2023. godini iz budžeta Ministarstva za ljudska prava i izbjeglice BiH (koliko je utrošeno sredstava iz budžeta Ministarstva za ljudska prava i izbjeglice BiH u 2023. godini putem dodjele grant sredstava za zapošljavanje, stanovanje, zdravstvenu zaštitu i obrazovanje, te koliko za financiranje rada Odbora za Rome u 2023. godini)



Zaključak:

- Odbor za Rome pri Vijeću ministara BiH primio je informaciju k znanju o stanju budžeta za 2023. godinu, te zatražilo da se dostavi predsjedavajućem presjek potrošnje budžeta Odbora za Rome pri Vijeću ministara BiH za 2024. godinu.

Ad 6.- Informacija o budžetskom zahtjevu Ministarstva za ljudska prava i izbjeglice za 2024. godinu, prema Dokumentu okvirnog budžeta, a vezano za grant sredstva za zapošljavanje, stanovanje, zdravstvenu zaštitu i obrazovanje, te vezano za financiranje rada Odbora za Rome

Zaključak:

- Odbor za Rome pri Vijeću ministara BiH primio je informaciju k znanju.

Ad 7. -Informacija o aktivnostima na reviziji Akcionog plana za Rome u Bosni i Hercegovini

Zaključak:

- Informacija o aktivnostima na reviziji Akcionog plana za Rome u Bosni i Hercegovini primljena je k znanju.

Ad 8 - Informacija o Inicijativi koja je upućena za obuhvat romske populacije Anketom o radnoj snazi

Zaključak:

- Odbor za Rome pri Vijeću ministara BiH će zatražiti od Agencije za statistiku BiH povratnu informaciju o trenutnom statusu predmeta putem službenog akta.

Ad 9. - Romi na tržištu rada - izvjestilac Boris Pupiće

Zaključak:


- Odbor za Rome pri Vijeću ministara BiH poziva sve poslodavce, institucije, domaće i međunarodne organizacije da se aktivno uključe u zagovaračke aktivnosti i kampanje usmjerene na smanjenje predrasuda prema Romima.
- Odbor za Rome pri Vijeću ministara BiH će na jednoj od narednih sjednica pozvati sve međunarodne organizacije koje se bave pitanjem Roma, kako bi se razmjenile informacije o aktivnostima koje trenutno rade i aktivnostima koje su planirane u budućem vremenu.

Ad 10- Prijedlog uspostavljanja saradnje Odbora za Rome pri Vijeću ministara BiH i Romske fondacije za Europu

Zaključak:

- Odbor za Rome podržava inicijativu Borisa Pupiće da se direktoru Romske fondacije za Europu uputi poziv. Zadužuje se Boris Pupiće da pripremi poziv, dostavi ga članovima Odbora za Rome na usaglašavanje putem e-maila, nakon čega će se priprema poziva prevesti na engleski jezik.

Ad 11.- Informacija o dodijeljenim grant sredstvima za nacionalne manjine za 2023. godinu – MLJPI



Zaključak:

- Odbor za Rome pri Vijeću ministara primio je informaciju k znanju.

**Ad - 12 Informacija o dodijeljenim grant finansijskim sredstvima "Kultura" za 2023. godinu -
Ministarstvo civilnih poslova BiH**

Zaključak:

- Nedžad Jusić se zadužuje da pripremi prijedlog inicijative koja će biti upućena Ministarstvu civilnih poslova BiH. Ova inicijativa će tražiti uvođenje kvota za nacionalne manjine pri dodjeli grant sredstava za kulturu za 2024. godinu, srazmjerno procentu zastupljenosti nacionalnih manjina prema popisu stanovništva. Inicijativa će biti dostavljena članovima Odbora za Rome pri Vijeću ministara na usaglašavanje putem e-maila prije slanja.

Ad 13.- Priprema za obilježavanje 02.08. dana sjećanja na romske žrtve Samudaripen,

Zaključak:

- Zadužuje se Dervo Sejdić da u narednih 15 dana pripremi nacrt protokola i obavještenje za javnost za obilježavanje Međunarodnog dana sjećanja na romske žrtve holokausta/samudaripena. Ovaj nacrt će biti poslan članovima Odbora za Rome pri Vijeću ministara BiH kako bi mogli dati svoje prijedloge i sugestije.